

TB (Tuberculosis)

Ekkā wōt kijoñ lōmṅak bwe TB ej juon nañinmej in jemaan. Enañin 1/3 in aolepān ri-laḷ in, ak ruo bilien armej, ewōr ippāer kij bacteria eo ej kōmṅan TB. Ewōr tarrin 9 milien armej ilo peḷaakin laḷin rej etal im bōk nañinmej in TB ilo kajojo iiō. Itok jān kijejeto an public health ṅan kakilen case ko ilowaan iien eo ejejjet, jermal in etale armej eo pād turin/añuri, leḷok therapy, bōbrae, im katakin, Amedka ej loe bwe joñan armej ro ewōr TB ippāer ear pād wōt im iietḷok. Mekarta ear iietḷok joñan armej ro ewōr aer nañinmej in TB, public health ej kōkōl wōt kōn TB ilo Oklahoma.

Ta in TB?

TB ej juon nañinmej kapopo im waḷok jān kij bacteria ko rej kijoñ jelōte ār ko. Bōtaab, emaroñ bar jelōte ijoko jet ilo ānbwin.

Euwāween an TB ajeeded?

Kij bacteria in TB ej etal ṅan mejatoto ilo iien eo armej eo ewōr an nañinmej in TB ilo ār ej pokpok, m̄aje, ettōñ, ak al. Armej ro rej pād im emmenono ijo-turin armej in remaroñ bōk kij bacteria eo.

Wōn ej bōk TB?

Jabdewōt armej emaroñ bōk TB. Armej ro elapḷok aer kauwōtata rej: ro uwaan baamle, ro mōttan, im rijerbal ro mōttan im rej pād im emmenono ijo-turin armej eo ewōr an nañinmej in TB ilo ār. Ro jet rej kauwōtata rej, rūtto ro, jojoḷāār, ri-kalbuuj ro, ro rej jokwe ilo jikin lale rūtto, ri-kadekdek, ro rej bōk wā/men ko rōkajoor, armej ro ewōr aer nañinmej ko āinwōt tōñal, kij HIV (virus eo ej kōmṅan AIDS), jet kain cancer, im armej ro ewōr aer mijen jabwe òn.

Ta kakōḷle ko kakōḷleinTB?

Elōñ kain kakōḷle ko āinwōt eñjake mōjño ak nañinmej, luuj boun, piba, menokadu in boñ. Armej ro ewōr aer TB ilo ār remaroñ aol kōn aer pokpok, metak ob, im/ak pokpok lōñtak bōtōktōk. Ebar lōñ kakōḷle ko jet im ekkar ṅan ijo jelōte ilo ānbwin.

Ta oktak eo ikōtaan kijin TB im nañinmej in TB?

Armej ro ro ewōr ippāer kijin TB (rejjab nañinmej), ewōr kij bacteria in TB ānbwinneir ak rejjab nañinmej kōnke kij bacteria ko rejjab emmourur. Armej rein rejjab maroñ kajeeded kij bacteria ko ṅan ro jet. Bōtaab, emaroñ etal im waḷok nañinmej in TB ippān armej rein tokālik, ñe kij bacteria in TB eo enaaj kajoorḷok im emmourur. Ekkā wōt an wōr juon ak elōñḷok kakōḷle in TB ippān armej ro ewōr aer TB im rej nañinmej kōnke kij bacteria in TB eo emmourur im ej ajeededḷok ilo ānbwinneir.

Euwāween aō jeḷā ke ewōr aō TB?

Kijoñ kōjerbal TB teej ilo kil ṅan kakilen kijin TB. Ñe jemḷokin teej eo ej kallikkar ke ewōr kijin TB (positive), naaj pijaiki lowaan ob (chest X-ray) im kōmṅan teej ko jet ṅan kaṃool ke ejeḷok aṃ nañinmej in TB. Kapaake health department eo aṃ ijo jikūm ak taktō eo aṃ ṅan bōk kakōḷkōl ak teej.

Ewi kilen koṃadṃōde TB?

Wūnokan TB ko (wūno in wā ko) rej men ko rōjañe armej ro ewōr aer nañinmej in TB ṅan būki. Jet armej remaroñ aikuj idaaq wūno ko ṅan bōbrae jān nañinmej in TB ñe ewōr ippāer kijin TB . Ej kijoñ bōk 6 ḷok ṅan 12 allōñ in idaaq wūno kein.

Ta maroñ kōmṅane ṅan bōbrae jān an ajeeded TB?

Wāween ko raorōk tata rej bwe ri-nañinmej eo ewōr an nañinmej in TB en idaaq wūno ko liṃōn āinwōt an taktō eo karōke im pinej bōtin ak loñiin ilo an pokpok ak m̄aje.

Ta meḷeḷein TB eo ej juṃae/ejjab tōmak wūno ko?

TB eo ej juṃae/ejjab tōmak wūno ko emaroñ waḷok ñe ri-nañinmej ro rejjab ḷoor karōk ko an taktō ilo aer idaaq wūno in TB ko liṃōeer. Ej kaakāikḷok kilen kōṃadṃōde TB eo. Ñe TB eo enaaj juṃae/ejjab tōmak wūno ko, juon ak elōñḷok iaan wūnokan TB ko ej etal jab maroñ ṃan kij (bacteria) in TB ko.